

沈乃文 主編

明別集叢刊 第二輯

第三十冊

黃山書社



「十一五」國家重點圖書出版規劃項目  
2011—2020年國家古籍整理出版規劃重點項目





(明)楊慎撰

升庵南中集六卷

明嘉靖十六年南充王氏刻本



升菴詩叙

古今言詩者病詩之難夫詩之所以難者才與學之難也才本於天學繫於人非其才雖學之不近也有其才矣非篤於學則亦不盡其才也古之人以詩名家必兼於斯二者顧其才有高下學有疏密故文體又各爲品第爲夫才之不足有所限而不可進也學之不足無所禦而自止也疆其才而進者寡陋於學而止者衆學而不止

南菴集序

極於不可進而後廢古之作者猶難之國朝能詩者盛於弘治正德之際其時數君子始尚古學文體爲之一變至於今日鴻筆麗藻之士彬彬間出數君子爲有功矣然此數君子亦各有高下學有疏密雖其高才嗜學者要未有窮其學之所至竭其才之所能者也嘗以爲知其所近而闇其遠者學所易能而後其所難人之公患也眩於時好而不寤其所短訟於俗習

而不進求其上世之常蔽也語曰取法乎上僅得其中取法乎中斯爲下矣余懼將來者徒隨先進之後而雅道之日趨於下也南岷王先生示余升菴楊先生詩一卷其窮極詞章之綺靡可以見其卓絕之才其牢籠載籍之菁華可以見其弘博之學此其意將欲追軋古人而不屑與近代相上下蓋余疇昔所願見乃今得之先生矣抑此卷者第徃者謫居滇中之作耳若其

南菴集序

今之所造詣與夫他日之所就又非止於如此而止也雖然即此卷而論之唐之四傑不能過也南岷刻而傳之非特表先生之才爲其鄉重固將著先生之學爲天下先余因推其意而叙之

嘉靖丁酉正月旣望譙郡薛蕙書

升菴南中集目錄

卷一

南竄始發京

夜行安慶

宿鯉魚山

荅彭子冲

阻風曲罐子磯作三首

夕上江陵

江陵別內

江陵舟中贈田李二鄉客

盤江河

蘭津橋

懷歸

思謳戍滇紀行

古艷曲

玉臺體

離思行

射亭

采蘭引

崇聖寺

無爲寺

遊三塔寺晚登鶴雲山麓

螳川獨泛

結交行贈張季文兼寄劉建之

月夕獨酌

太華寺別季文

卷二

昆陽望海

春二首

陪盛德章春泛

宿積翠巖

滇海曲

遊玉案山寶珠寺

酬金秀才

博南謠

華燈引琴思漢調

鐵鸚鵡歌

刺桐花行

春泛昆陽海口

惡氣行  
古意

送余學官歸羅江

犯星歌  
四首

雪關謠

七星關漁者

詩集目錄

烏撒喜晴

獎麥謠

寶珠寺

觀音寺

雲居寺

清淨寺

寶印寺

寶曇寺

筇竹寺

黃龍龕

正覺寺

海源寺

龍華寺

妙高寺

普吉菴

夏雨不絕東張蜀望

雨夕夢安公石張習之覺而有述因

詩集目錄

寄

孟夏苦雨不絕

秋晴遊海源寺

卷三

垂柳篇

次沐希甫山茶花韻

伏枕行贈嚴應階

懷音篇寄張惟信學士

答張工部季文

跟跔操

畫草蟲行

寄徐用先程以道

浪穹縣

野雞坪

興教寺海棠

泛浪宴海中

觀金潤甫畫壁歌

觀汝南王玉磬碑引

商丘集目錄

浩然閣舟泛同李仁甫作

帝釋山

秋夕效六朝體

素馨花

毛東鎮園千葉梅

題扇贈張愈光

射虎圖爲顧箬溪都憲題

立春滇郭西看山茶

辛卯除夕飲潘郎金斗歌

謁二忠祠

春日過山家

春泛晚歸

宿華亭寺

臥月引爲錢節夫賦

江干行答禹山

後河激歌

謝周健夫惠易冶劍歌

石雲寺見山茶寄禹山子

商丘集目錄

卷四

光尊寺別愈光

大理春市因憶李仁甫

流螢篇

雨後見月

雨夕避漏起坐

積雨始晴

題竹

三塔秋日

存稿絕句

甲午臨安除歲

有寄

南中曉寒曲

夏水謠臨安作

飲祁氏園

上雲林篇

卷五

邯鄲才人嫁爲廝養卒婦

雨集錄

七

贈沐錦衣

夢中作宮詞

臥佛

禹碑歌

溫泉再過懷李仁甫

送周子顥工部北還

讀余懋昭遊青城山詩因寄并寄韓

飛霞

冷節

祿豐縣西蘭谷

紺甲麗人

寄任少海

華燭引

又別擬製一篇

梅花引

鶴鶴歌

關山月

效古塞下曲

雨集錄

八

月團茶歌

中丞白泉汪公生辰值安南欵報至

長干三臺

哭徐用先

看花出郊村店小飲

春夕潘園

珠履曲

水峽驛觀瀑布泉行

卷六

贈汪泉翁

荅段德夫水部

飛堯詠

閨七夕

太華寺即事

寄任少海李仁甫

芳蘭引

西施詠

代贈

贈張子上臥疾

星回節

連雨

送陳德潤還茂州

元謀縣歌

南枝曲

虛湖曲四胤爲劉少鄰賦

大相公嶺

戊戌除夕贈榮經徐尹

招劉善充

別劉善充

別周昌言黃孟至

薛畏齋兵憲望鶴樓吟

自楊林過板橋

送毛東鎮往臨安

雲隱林中

宿龍宇寺

贈琴姬

贈箏人

中秋

阜橋小莊送李君階北上禮部

魚浮關謙別趙龍巖僉憲

升菴南中集目錄

終

升菴南中集卷一

南竄始發京

秋風蕭蕭發驅車出郭東問我今何適竄身向南中南中萬餘里去去與誰同親交滿京國只尺難相通且喜脫幽繫未暇悲道窮矯首盼浮雲但美高飛鴻

夜行安慶

風順月仍明扁舟半夜行雞鳴問前路已近九江城

宿鯉魚山

投暝宿前灣占風夜未閑月沉鴻鴈渚雲起鯉魚山

荅彭子冲

異縣悲南國同車感北風霜清淮浦闊木落楚江空危坂難回馬炎方少去鴻望歸天共遠惜別歲將窮海曲飛鳴隔山梁飲啄同從軍古云樂況復九夷通

阻風曲罐子磯作三首

峭石驚磯橫浦口朔風半夜蛟龍吼一枕波濤萬里心江水客愁誰淺深

行人夜唱江南曲巴歛楚些遙相續聲聲怨暝復愁更訴盡離情天未明

啼猿峽口江流遠回鴈峰前沙磧晚水驛梅花開未開緘情千里寄陽臺

夕上江陵

熒熒沙市燈紛紛黃潭鼓悠悠隱後帆遙遙認前渚

其二

水落沙漬寬鴈聲驚早寒舟子夜不寐北風吹雀竿

江陵別內

同泛洞庭波獨上西陵渡孤棹泝寒流天涯歲將暮此際話離情羈心忽自驚佳期在何許別恨轉難平蕭條溟海曲相思隔寒燠蕙風悲搖心齒露愁霑足山高瘴癘多鴻鴈少經過故園千萬里夜夜夢煙蘿

江陵舟中贈田李二鄉客

朗月寒沙夜未分玉簫金管醉中聞明朝  
回首沅江路愁聽清猿和白雲

盤江河

可憐盤江河年年瘴癘多青草二三月綠  
煙生碧波行人好經過

蘭津橋今名齊虹

漢書載瀾滄謠云漢廣德開不賓  
度博南踰蘭津渡瀾滄爲他人即

此地也土人謗呼爲浪滄云

纖鐵懸梯飛步驚獨立縹緲青霄平騰蛇  
遊霧瘴氣惡孔雀飲江煙瀨清蘭津南渡  
哀牢國蒲塞西連諸葛營中原回首踰萬  
里懷古思歸何限情

懷歸

星橋南望沉犀渚雪嶺西連抱珥河關塞  
渺茫覓夢隔山川迢遞別離多汀洲春雨  
攀芳杜茅屋秋風帶女蘿心事未從詹尹

丁生涯聊聽僰童歌

思譴戍滇紀行

商秋涼風發吹我出京華赭衣裹病體紅  
塵蔽行車弱姪當門啼惄我不過家行行  
日已夕扁舟歙潞沙揚舲天津口回瞻見  
牛斗風吹紫荆樹月照青楊柳逆流泝漕  
河相顧慎風波荒村聚豺虎夾岸鳴蛟鼉  
僕夫困牽挽防吏苦嗔呵徐沛洪流溢滄  
溟浴白日聚落雞犬空銜艤羽毛疾暗灘

蘭中集卷

四

持楫防洄溜揚帆慄維纜依鶴窠蓬邇  
鮫室乘月下呂梁侵星過白楊漫岸慄失  
道孤舟鬱相望喧逐見疊浪極眺無連岡  
陰霞互興沒凍雨倏淋浪濕薪戒傅火空  
囊愁絕糧信宿萬籟平鄰舟動歡聲聞雞  
共起舞買魚賀兼程夕泊秦淮岸朝逗維  
揚城愁聽玉簫曲懶問瓊花名畏途險已  
出勝地心猶驚真州對瓜步分歧當去住  
翹思鐵甕雲悵望金陵樹江浮懼濤瀾陸

走淹霜露移船鷺洲來弭榜龍江隈故人  
同載酒一醉雨花臺高臺多古今百慮盈  
疎襟琴彈別鶴調笛唱飛鴻吟臨風惜南  
鶩揆景恨西沉江程始挂席江月照采石  
招搖西北明水霧東南碧銅陵夢裏過赭  
圻望中隔潯陽見市廛溢浦異潮汐馬口  
歌獨漉魚山候風宿西塞漁父磯東陵道  
士汎估客嘆浮萍放臣悲落木秋驚赤岸  
楓霜謝黃州菊龜山漢陽縣鵠磯遙可見

南中集卷

五

披襟倚山閣開圖對離宴鮮飈蘋末來餘  
霞波外絢枕底鳴飛湍舷際失江干仙子  
駐鶴嶠王孫鬪鴨闌雲閑君山出壑歸洞  
庭寬乾鵠噪危檣連連一何迅試叩巴峽  
船果得家鄉信時序感孤懷風烟集雙鬢  
江陵初解帆倉皇理征衫家人從此別客  
淚不可緘騰裝首滇路問程愁楚巖楚水  
縈沅澧楚岸秀蘭芷古墓識昭丘遺坊號  
珠履珠坊青蕪繁昭丘白雲屯傷心楓樹

南中集卷

六

林回首桃花源天寒行旅急歲晏霜霰煩  
界亭四十渡羸馬不成步幽篁詎見天密  
籌才分路營窟半卉裳人煙盡繁瓠戾蟲  
嘯落景暴客當官戍驅車先發昫投驛遲  
暝霧漱浦涔陽連龍標夜郎天遠遊弔屈  
子長流悲謫仙我行更迢遙千載同潛然  
一葉崇安渡千波竹箭急鬼方昔云遐羅  
甸今初入陰霾暄凝交瘴嵐昏曉集長亭  
比驛遙咫尺如棘澁石行蹶昆蹄沙煥咽

穿危磴，晴蛉控絕谿。點蒼明霽雪，抱珥飲

晴霓。蒲塞重關峻，蘭津毒草低枝寒。鳩鳥

下花暖杜鵑，迷溯還鹹射。渚啜入象畔，畦  
照遂松梯。風景他鄉別，天倪吾道拙。雲山  
已亂心，風塵仍結舌。出門各自媚，失路爲  
誰悅。桑落豈忘憂，羌觴詎申結。龍吼雄劍  
鳴，驥歌垂壺缺。蒼蒼七星闕，幾時却東還。  
瀾瀾三峽水，奚啻隔中沚。黃犬代書郵，青

南中集卷

七

龍借歸舟鴈，翼翔廖廓猿聲遍。阻脩何由

一縮地，暫作錦江遊。

古艷曲

二首

皎皎復盈盈，傾國更傾城。珊瑚綵結網苔  
華，玉篆名宮女。多相妬，非關君薄情。

珊瑚

施事出吳越春秋逸篇見劉克莊李義山詩註夏后氏二美女名華是琰玉苦是琬

掩顰來玉塞，顧影戀金門。翠燭勞光采銀  
屏，役夢冤羅衣。香未歇，猶是漢宮恩。

玉臺體

流盼轉相憐，含羞不肯前。綠珠吹笛夜碧  
玉，破瓜年減燭難藏。

影洞房明月懸，調絲曲房下。援鏡綺窓西。  
粧罷金星出，歌殘璧月低。

留歡夜未足，恨殺汝南雞。

戚里盛豪華，聯翩赴狹斜。寶欄圍鬪鴨，  
瓦櫛鳴蛙歸騎春。城晚風吹滿路花。  
菱歌歇晚涼，桂楫隱回塘。珠佩雙臯冷，  
羅裙十里香。錦書隨綺翼，持報邵陵王。

南中集卷

八

離思行

二首

飛蓬無根株，飄颻隨風起。游子辭家鄉，  
落在萬里當。歌有苦，調對酒無欣。喜閨門  
愁緒集，出門多荆杞。彷徨安所之，斷腸分  
流水。流水何潺湲，遠遊幾時還。

其二

南望晴蛉道，西眺渠濫川。石子何磊磊，  
水流何煎煎。山川隔宇縣，仰視空雲烟鴻蜚。  
遠不到書迹，何由傳愁來。坐自嘆氣結，不

能言願假黃鵠羽輕舉隨風旋

射亭

飛羽花前疾鳴骹風外聞當場誰破敵王  
粲始從軍

采蘭引

趙弘道憲副因余之詩改關名爲蘭谷

廣通縣東響水關產蘭綠葉紫莖  
春華秋馥蓋楚驥所稱紉佩之蘭

也人家盆植如蒲萱者蓋蘭之別  
種曰蓀與芷耳時川姜子見而采

南集卷九

九

之以贈予予知九畹之受誣千載  
矣一旦而雪作采蘭引

秋風衆草歇叢蘭揚其香綠葉與紫莖猗

猗山之陽結根不當戶無人自芬芳密林  
交翳翳鳴泉何湯湯欲采往無路躅步愁  
褰裳美人馳目成要予以昏黃山空歲復  
晚修佩爲誰長采芳者何人蓀芷共升堂  
徒令楚老惜坐使宣尼傷感此興中懷弦  
琴不成章

崇聖寺

塵劫非人境烟霞是佛都山開銀色界海  
涌玉浮圖追蠡形猶壯伽藍跡已蕪經函  
井梧禪心隨夜寂旅望對秋孤遠目窮千  
里傾懷倒百壺狂歌意無極感此歲云徂  
無爲寺

涼宇敞金天暝巒凝紫煙復有兔鹿徑斜  
通龍象顛餘霞帶飛閣流波澄遠川危磴

南集卷十

三休至層臺四望縣佳遊惜落景愁思怯  
離絃非關興盡返良爲懷抱牽

遊三塔寺晚登鶴雲山麓

置酒三塔下聘望三塔顛三塔不可上杳  
在白雲天朝望蒼山岑夕望蒼山趾蒼山  
不可窮日落悲風起欲騎仙人鶴共看仙  
人棋仙棋不可見仙人去幾時

螳川獨泛

二首

柳市村村接松燈點點明家家傾聽

夜鱠魚羹

其二

月遊渾似畫水泛不知寒星畱驚魚躍霜  
枝起鶴盤

結交行贈張季文兼寄劉建之

澗有流泉山有塵結交易交心難親古人  
所以嘆白首恒如新彈冠當途少知已何  
況貧交多苦辛慎也早充觀國賓金馬蘭

臺獻納臣亨衢豈憚履虎尾逢時吐氣嬰

南中集卷

十一

龍鱗一朝遠謫濱萬死曠野匪兕誰與隣  
舊遊相棄不相識平生懷抱空向人行路  
之難有如此感慨令人思洗耳新知者誰  
張與劉一見豁然忘旅憂晤言數晨夕歡  
娛歷春秋竹林不厭清狂客漆園共擬逍  
遙遊馬鳴龍樹訪野寺鸞吟鳳咲登高丘  
山中日月自瀟灑眼前世事空悠悠窮途  
握手心尚爾雲天高義誰能儔劉子昨別  
臯橋頭君今復動西南騶故鄉遙憶不

見故人同心復異縣枯魚涸轍懷沫濡窮  
鳥空林垂羽翰黯然銷魂望去塵埃有臨  
岐淚如霰君上青雲翼日車我看明月隔  
天涯行欲尋仙三島去相思青鳥遍瑤華

月夕獨酌

夜沽東橋酒醉聽慙童歌羈人不作樂其  
如鄉思何

太華寺別季文

華頂雲溟海月携手三度遊同心兩廻別

南中集卷

十二

携手同心此地分他鄉客路復離群明年  
載酒花林下啼鳥春山誰共聞